



DEO OPTIMO MAXIMO
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono,

QUÆSTIO MEDICA,

QUOD LIBETARIIS DISPUTATIONIBUS
manè discutiendâ in Scholis Medicorum, die vigesima-prima
Januarii anni M. DCC. XXXIV.

M. ANTONIO CASAMAJOR,
Librorum Medicinæ Regio Censore,
Doctore Medico, Præside.

An ΔΥΝΟΣ Apoplexiæ Prodromus?

I.



UNCTIONUM animalium domicilium Caput. Instrumen-
tum quo perficiuntur Cerebrum; nervorum, motûs, sensûsque
principium. Triplici componitur substantiâ, extimâ, mediâ,
infimâ; idem est ac si diceres, corticali, callosâ, striatâ, quæ
succu nervei, sive spirituum officina, & promptuarium. Quos
patitur morbos Cerebrum, quo modo motus, sensusque fiant,
quo fato ladanur penitare Medicorum est. Unaquæque Cerebri functio suis
obnoxia morbis, singularum ut suæ sunt actiones, sic & vitia; læsâ unâ,
alias subsistere illæsas nihil vetat. Unicuique etiam morbo propria natura est,

sunt principia, incrementa, status, declinationes; at in morbi dignoscendâ causâ iudicium difficile, pro signorum, & symptomatum analogiâ, quæ incautos fallit, nimium credulis, parum sedulis, minus doctis illudit. Sui habet arcanâ mirabilis Cerebri compages; quod latebris recondit, difficile cognitu, & arduum. Comparanda ergo, comparer Medicus, cognoscenda, cognoscat, prævidenda, prævideat, ut quidquid ex mechanicâ cerebri substantiâ, studio, & sagacitate conquisiverit, experimentis, & rationibus rimeatur intimius; sedulo scrutari amet morborum Capitis causas, signa, symptomata, metastases, naturæ conatus, remedia selectiora, specifica; in morbis cuiuscumque speciei, curandi hic scopus est.

I I.

CAPUT, supremo Corporis loco positum, mille coalescit partibus quæ mutuat sibi ferunt opem, illarum nulla deteri potest quin malè cohaereat quibus prius annexa; mirabilis est Connexio vasorum quæ in universum Corpus excurrunt; mirabilior cerebri consensus cum omnibus Corporis partibus, etiam remotissimis, per nervos, per artetias, per cæca & intima Corporis spiracula. His autem consortio defraudatis earum tonus imminuitur, depravatur, tandemque aboletur, unde motus læsio, sensus depravatio, morborum fons, & origo; graviore habentur à parte affectâ, à causâ læsionis, à symptomatum magnitudine, quò periculosiores eò studiosius perpendendi, diligentius excutiendi; causa morbi, morbus, & symptoma tibi sint veluti ariadnæ filum, ad quod actiones dirigas; ut in illo, alias inextricabili, medicinæ labyrintho, certum tutò possis attingere scopum. Morborum capitis causæ, præ cæteris, obscuræ; has qui potest cognoscere felix habetur. Feliciter habere habeas qui valet dira quæ latent in cerebro extrudere mala, quæ intimis hærent penetralibus radicibus evellere, quæ funesti eventus sunt initia prævidere, funditus evertere ea, quæ assiduo tramite, quasi viam parant ad apoplexiam. Inter medicinæ principia hoc est præcipuum, quod irruentes morbi amoveantur, imminentes præcaveantur.

I I I.

MORBORUM capitis numerum adauget vertigo; nihil est aliud quam affectus in quo motus, sensusque depravantur; qui eo corripuntur iis caput circummagi, Corporaque omnia moveri videntur, licet revera quiescant; album, rubrum apparet, & quod rubrum est flavum creditur. Sic oculis inducit vertigo ludibrium, sic motus, sensusque illudit; tria sunt ex quibus variantur duæ vertiginis species. 1^o. Ea quæ sese oculis offerunt ita ut caput ægrotantis, totumque corpus circumvolvi videantur. Unde *Morbus*, sive vertigo simplex; 2^o. ea quæ visum ita inobscurant, ut laborantes se tenebris obduci credant; unde *morbus*, sive tenebricosa vertigo. 3^o. Denique ea quæ in causa veniunt cur vertiginosi repente concidunt, & prolabantur, nisi protinus iis subveniatur, aut propinquis nitantur adminiculis. Sed undenam vertigo? sunt ne obscuro, aut dubii fontes ex quibus derivatur? Minime quidem. Circumstant undique efficaces causæ, falsò creduntur inexplicabiles,

nobiscum perpetuò depræliantur ; errant gravissimè qui de vertigine Philosophantur , quique eam medium tenere volunt periculum inter & securitatem ; pessima sunt in magnis dubia , ex quibus major nascitur mali perniciës. Vertiginem ergo in dubiis periculosiorem habeas. Causam deleri , mitigari symptomata anxius postulat æger , falsis delusus graviora præsentit , metuenda ipsi surgunt undique pericula. Heu *Sisyphus* , tristis futuri præfaga ! Horrenda canis , infelicesque præfagis eventus.

I V.

VERTIGINIS causa, vel hæret in cerebro morbumque per essentiam efficit ; vel aliundè transmissa morbum per consensum concitat. Caligines , & circumgyrationes , quæ eam concomitantur , certa sunt , non dubia , imminētis apoplexiæ signa , eo graviora quo major est in cerebro spirituum perturbatio ; ex quibus inter se agitat , & confusus multa effinguntur obscura , & erronea. Quemadmodum confusè , & obscurè videntur ea quæ in aquâ agitata conspiciuntur ; integrè verò & perspicuè apparent ea quæ in aquâ Lympidâ , & immotâ representantur. Ita enim loquitur Poeta. *Non sum adeo infirmis , nuper me in litore vidi , cum placidum ventis flaret mare .* Sic mens in vertigine tenebrosâ falsas apprehendit imagines quia confusè , & tumultuosè ipsi obijciuntur rerum species. Erroris vitium quæris ; attende ad ea quæ necessàrio occurrere debent , ut mens sincerè & integrè suum de objectis exerceat iudicium. Hæc tria sunt. *Organum exquisitè temperatum , medium ritè dispositum , legitimè distans objectum ;* quorum si unum deficiat , mens non potest æquus esse iudex eorum quæ percipit. Rimare ergo triplicem cerebri substantiam , tot radiis , aut striis variatam ; cæcos , & flexiles , intellige arteriarum hiatus ; obliquos & multiformes vide gyros , quibus tota sinuatur cerebri substantia ; sedulo scrutare æstuant in cerebri cellulis spiritus , qui sinuosam ipsius molem infarciunt , distendunt , qui Meningibus resistentiam pariunt ab ipsarum elatere vix superabilem ; studiosius perpende quo modo tenera nervorum stamina plus æquò tenduntur ; quo tandem fato fibrarum cerebri tonus invertitur , depravatur ; unde motûs læsio , sensûs perturbatio , imminutio , proxima utriusque cessatio.

V.

AD diagnosin & prognosin Medicum decet actiones contemplari , veluti ad fontem ex quo boni , vel mali ominis signa fluunt , & indicia. Operosa tamen Semeiologiæ cognitio , non minùs ex abstrusiori Naturæ contemplatione , quam ex uberiori rerum discendarum copiâ. Qui de vertigine obscura narrant argumenta inter se dissentiunt ; eam periculo carere volunt non pauci ; funesti eventûs præfagium esse contendunt multi. Nihil mirum ; motûs enim læsio sensûsque communis depravatio , magnus est affectus ; cuius causâ essentialis , & proxima , tumultuosa est in cerebro spirituum commotio ; symptomata sunt , falsa circumgyrationis imago , subita visûs offuscatio , repentinus ad terram Corporis lapsus. Ea omnia imminētis apoplexiæ dicimus prænuncia , quibus medico constat de agendis ut præcaveatur. At sunt ne certa causarum apoplexiam quasi parturientium indicia ? quàm pessimè nobiscum ageretur , si impen-

4

dentis apoplexiæ, nullum præcederet signum, nulla præmonitio! Inguentem eam facile prospicies, si diligenter observaveris ea quæ vertiginem antecedunt, concomitantur, subsequuntur, nihilque tibi deerit ad consequendam hujus prophylaxim, si, spirituum tumultuosè vagantium per cerebri ambages, causam tollas, impetum reprimas. Ferventes in cerebro spiritus, confusèque irradiantes alios ineunt cursus, aliosque recursus, glandulosos totius substantiæ replent acinos, cellulas inflant, distendunt; unde vasorum ambientium compressio, meatuum obstructio, coarctatio; non equidem omnino occluduntur angustiora cerebri vasa, ideoque nondum adest motus, sensusque absoluta privatio, sed tantum depravatio, imminutio, quæ proximam utriusque cessationem præfagit. Motus enim, sensusque perturbati depravantur, depravati imminuuntur, imminuti mox pereunt, tandemque cessant. Cavete ergo vertiginosi. Repentino accedit gradu insidiosus hostis, qui eo corripiuntur veluti percussus, & fulmine tacti repente corruunt, attoniti labuntur, & quasi syderati evanescent.

Ergo ΔΥΝΟΞ Apoplexiæ Prodromus,

DOMINI DOCTORES DISPUTATURI.

M. Petrus Maloet, Confiliarius & Medicus Regis ordinarius, nec non Domus Regiæ Invalidorum, Ducum & Militum, Academia Scientiarum Regiæ Socius.

M. Guillelmus de Magny.

M. Gabriel-Antonius Jacques.

M. Claudius de Lavigne de Frecheville, Medicus Regis & Domus Regiæ ordinarius,

M. Joannes - Damianus Chevalier.

M. Claudius Brunet.

M. Henricus Besnier,

M. Joannes Besse, Doctor Hispaniarum Regiæ à Consiliis, & Medicus Primarius.

M. Antonius de Jussieu, Regiæ Scientiarum Academia, Regiarumque Societatum Angliæ & Prussiæ Socius, Botanicæ in Horto Regio Parisiensis Professor ac Demonstrator.

Proponerebat Parisiis JACOBUS-FRANC. VANDERMONDE,
Landracenus, Baccalaureus Medicus, A. R. S. H.
1734, à sextâ ad meridiem.